


汝寧府志





官師

謹按古者郎官出宰百里刺史入爲三公牧
之任與內職均重東漢以還內外輕重時或不
同然奉職循理施教導民服官者不因時而異
也汝南循吏自召杜興父母之謠王鄧致封侯
之賞治化蒸蒸史不勝書故功德顯著者遺愛
旣垂於無窮卽一善及人者謳歌亦延於累世
汝寧府志

卷之八

官師 名宦

一

弗可畧也志官師下

名宦

周端木賜字子貢衛人以聖門高弟爲信陽幸將
行辭於孔子孔子曰勤之慎之奉天之時無奪
無伐無暴無盜子貢曰賜也少而侍君子豈以
盜爲累哉孔子曰女未之詳也夫以賢代賢
謂之以不肖代賢是謂之伐緩今志誅是謂
之暴取吾自與是謂之盜盜非竊財之謂也五
聞之爲吏者奉法以利民不知爲吏者

以懷民此怨之所由生也治官甚若平臨則
若廉潔之守不可攻也匿人之善斯
小人內不相馴而外相訾訾觀臨
也言人之善若已有之言人之惡若已受之
君子無所不慎焉

漢鄭當時字莊陳人也以任俠自喜嘗脫張敖於
厄聲聞梁楚之間孝景時爲太子舍人武帝卽
位遷爲魯中尉濟南太守並江都相至九卿爲右
內史以武安魏其時譏貶秩爲詹事遷大農令
汝寧府志

卷之八

官師名宦

二

任人賓客餽入多適賓司馬安爲淮陽太守發
其事當時以此陷罪贖爲庶人頃之守長史遷
汝南太守敬歲以官卒家無餘貲財

馬官字游卿東海人也治春秋嚴氏以射策
甲科爲郎遷楚長史免官後爲丞相史司直師
丹薦官行能高潔遷廷尉平青州刺史轉汝
太以善治凡備後爲詹事光祿勳大將軍代
孔光爲大司徒封扶德侯

張氏字子高平河東平陽人也祖大孺爲一

太守徙茂陵敞父福事孝武帝官至光祿大夫
敞後隨宣帝徙杜陵察孝廉爲甘泉舍長稍遷
太僕丞仕至年甚奇之會昌邑王徵卽位勅作
不由法度敞上書以切諫顯名擢爲豫州刺史
以數上事有中言宣帝徵敞爲大中大夫與于
定國並平尚書事

寇恂字子翼上谷昌平人也世爲著姓恂初爲
郡功曹太守耿况甚重之後事光武拜河內太
守帝謂恂曰河內完富吾將因是而起昔高祖

留蕭何鎮關中吾今委公以河內堅守轉運給
足軍糧率厲士馬防遏它兵勿令北渡而已光
武於是復北征恂受任所爲悉副帝望後拜潁
川太守討平盜賊定封恂雍奴侯邑萬戶執金
吾賈復在汝南部將殺人於潁川恂捕得繫獄
戮之於市復以爲耻還過潁川謂左右曰今見
恂八寸劔之恂出迎於道稱疾而還以狀聞帝
乃徵恂恂至引見時復先在位欲起相避帝曰
天下未定兩虎安得私闘今日朕分之於是並

坐極歡逸共車同出結友而去恂歸潁川帝遣
使者卽拜爲汝南太守又遣驃騎將軍杜茂將
兵討羣賊盜賊清靜郡中無事恂素好學
乃修鄉校教生徒聘能爲左氏春秋者親受學
焉

鄧晨字偉卿南陽新野人也世吏二千石父宏
豫章都尉晨初娶光武姊更始北都洛陽以晨
爲常山太守會王郎反光武自薊走信都晨亦
間行會於鉅鹿下自請從擊邯鄲光武曰偉卿

以一身從我不如以一郡爲我北道主人乃遣
晨歸郡光武追銅馬羣賊於冀州晨發積射士
千人又遣委輸給軍不絕光武卽位封晨房子
侯建武三年徵晨還京師數讌見說故舊平生
爲歡晨從容謂帝曰僕竟辯之帝大笑從幸章
陵拜光祿大夫使持節監執金吾賈復等擊平
邵陵賊是則四年從幸壽春留鎮九江晨好樂
郡職由是復拜爲中山太守吏民稱之嘗爲冀
州高第十三年更封南蠻侯入奉朝請復爲汝

南太守十八年行幸章陵徵晨行廷尉事從至
新野置酒酣讌賜數百十萬復遣歸郡晨興鴻
郊陂之頃田汝上以殷魚稻之饒流衍它郡
明年定封西華侯復徵奉朝請二十五年卒謚
曰惠侯

歐陽歙字王思樂平千乘人也自歐陽生傳伏
生尚書至歙八世皆爲博士歙旣傳業而恭謙
好禮讓王莽時爲長社宰更始立爲原武令世
祖平河北到原武見歙在縣修政遷河南都尉

後行太守事世祖卽位始爲河南尹封泌陽侯
建武五年坐事免官明年拜揚州牧遷汝南太
守辟鄧暉爲功曹推用賢俊政稱異迹九年更
封夜郎侯歙在郡教授數百人視事九歲徵爲
大司徒

杜詩字君公河內汲人建武初爲沛郡都尉轉
汝南都尉疏鑿溝渠以興水利今上蔡有杜一
杜二等溝猶其遺也後遷南陽太守又修治陂
池廣拓土田郡內比室殷足時人方于召信臣

故南陽爲之語曰前有召父後有杜母

鮑昱字文泉上黨屯留人也父永漢延名儒爲
司隸校尉舉劾不畏權貴由是朝廷肅然莫不
戒慎昱少傳父學初守南都長後爲泚陽長政
化仁愛境內清淨中元元年拜司隸校尉昱捧
法守正有父風永平五年坐救火遲免後拜汝
南太守郡多陂池歲歲決壞費常三餘萬昱乃
上作方梁石洫水常饒足溉田倍多人以殷富
十七年代王敏爲司徒賜錢帛什噐帷帳除子

得爲郎建初元年大旱穀貴肅宗召昱問曰旱
旣太甚將何以消復災青對曰臣聞聖人理國
三年有成今陛下始踐天位刑政未著如有失
德何能致異但臣前在汝南典理楚事繫者千
餘人恐不能盡當其罪先帝詔言大獄一起寃
者過半又諸徙者骨內離分孤魂不祀一人吁
嗟王政爲虧宜一切還諸徙家屬蠲除禁錮
減繼絕死生獲所如此和氣可致帝納其言
年代年融爲太尉六年薨

張敏字伯達河間鄭人也初舉孝廉後拜司隸校尉視事二歲遷汝南太守清約不煩用刑平正有理能名坐事免延平元年拜議郎再遷潁川太守徵拜司空在位奉法而已

何敞字文高扶風平陵人也其先家於汝陰六世祖比干學尚書於鼂錯父寵建武中爲千乘都尉以病免遂隱居不仕敞性公正自以趣舍不合時務每請召常稱疾不應後拜侍御史時竇憲兄弟專權敞數切諫言諸竇罪過憲等深

怨之時濟南王康尊貴驕甚憲乃白出敞爲濟南太傅敞至國輔康以道義數引法度諫正之康敬禮焉歲餘遷汝南太守敞疾文俗吏以苛刻求當時名譽故在職以寬和爲政立春日常召督郵還府分遣儒術大吏案行屬縣顯孝悌有義行者及舉冤獄以春秋義斷之是以郡中無怨聲百姓化其恩禮其山居者皆歸養其父母追行喪服推財相讓者二百許人置立禮堂不任文吏又修理鴈陽舊渠百姓賴其利墾

增三萬餘頃吏人共刻石頌敞功德

李法字伯度漢中南鄭人也博通群書性剛而有節和帝永元九年應賢良方正對策除博士遷侍中光祿大夫歲餘上疏以爲朝政苛碎違永平建初故事宦官權重椒房寵盛又譏史官記事不實坐失旨下有司免爲庶人在家八年徵拜議郎諫議大夫正言極辭無改於舊出爲汝南太守政有聲迹後歸鄉里卒於家

王龔字伯宗山陽高平人也世爲豪族初舉孝

汝寧府志

卷之八

官師名宦

八

廉稍遷青州刺史劾奏貪濁二千石數人安帝嘉之徵拜尚書建光元年擢爲司隸校尉明年遷汝南太守政崇溫和好才愛士引進郡人黃憲陳蕃等憲雖不屈蕃遂就吏蕃性氣高明初到龔不卽召見之乃留記謝病去龔怒使除其錄功曹袁閔請見言曰聞之傳曰人臣不見察於君不敢立於朝蕃旣以賢見引不宜退以非禮龔改容謝曰是吾過也乃復厚遇待之由是後進知名之士莫不歸心焉

王堂字叔伯廣漢郫人也初舉光祿茂才遷穀
城令治有名迹永建二年徵入爲將作大匠四
年坐公事左轉議郎復拜魯相政存簡易至數
年無辭訟遷汝南太守摻才禮士不苟自專乃
教掾史曰古人勞於求賢逸於任使故政清於
上事緝於下其憲章朝右簡覈才職委功曹陳
蕃匡政理務拾遺補闕任主簿應嗣庶循名責
實察言觀效焉自是委誠求當不復妄有辭教
郡內稱治時大將軍梁商及尚書令袁湯以求
汝寧府志

卷之八

官師系宦

九

屬不行並恨之後廬江賊迸入弋陽界堂勒兵
追討卽便奔散而商湯猶因此風州奏堂在任
無警免歸家年八十六卒遺令薄歛瓦棺以塋
子穉清行不仕曾孫商益州牧劉焉以爲蜀郡
太守有治聲

宗資字叔都南陽人桓帝時爲汝南太守聞郡
人范滂賢乃請署爲功曹在職嚴整疾惡其有
行違孝弟不軌仁義者皆掃迹斥逐顯薦異節
拙拔幽陋滂外甥西平李頌公族子孫而爲

曲所棄中常侍唐衡以頌請資署爲吏滂寢而不召資遷怒捶其佐書朱零零仰曰范滂清義猶以利刃齒腐朽今日寧受笞死而滂不可違資乃止故郡中爲之語曰汝南太守范孟博南陽宗資王畫諾

徐璆字孟玉廣陵海西人也父淑度遼將軍有名於邊璆少博學辟公府舉高第遷荊州刺史舉奏董太后妹子南陽太守張忠賊罪數億又奏五郡太守及屬縣有賊污者悉徵案罪威風

汝寧府志

卷之八

官師名宦

十

大行中平元年與中郎將朱雋擊黃巾賊於宛破之張忠怨璆與諸閹搆造無端璆遂以罪徵有破賊功得免官歸家後再徵遷汝南太守辟許劭爲功曹教化大行獻帝遷許以廷尉徵拜時曹操爲丞相以相讓璆璆不敢當卒於官

王允字子師太原祁人世仕州郡爲冠蓋同郡郭林宗見而奇之曰王生一日千里王佐才也允少好大節志立功名嘗習誦經傳朝夕馳射三公並辟以司徒高第爲侍御史中平元年黃

巾賊起特選拜豫州刺史辟孔融荀爽爲從事
奏除黨禁討擊黃巾大破之與皇甫嵩受降數
十萬於賊中得張讓賓客書疏以姦狀聞讓
忿以事中允下獄會赦還復刺史後拜司徒以
計誅董卓爲卓將李傕等所害
張熹字子季武城人靈帝時爲平輿令大平躬
自祈禱未獲嘉應乃積薪自焚主簿崇小史張
純皆從焉炎火旣燎天澤斯霈

汝寧府志

卷之八

官師名宦

七

不應三公之命吏民立祠社中

蒯越字異度蒯徹之後也深中足智魁傑有雄
姿靈帝末大將軍何進辟爲東曹掾越勸進誅
諸閹進不決越知進必敗求出爲汝陽令後佐
劉表平定境內詔拜陵章太守封樊亭侯
召信臣字翁卿壽春人元帝時舉高第拜上蔡
長視民如子好興利源開溝瀆至三百頃作均
水約束刻石田畔以杜分爭禁止婚喪過侈嚴
絕弊端敦尚禮化戶口倍多盜賊訟獄減少百

姓歸信之號曰召父遷南陽太守

耿國字叔憲大將軍弁子也扶風人建武四年拜黃門侍郎帝嘉其能弁卒國於次當嗣上疏以先侯愛少子霸固自陳讓有詔許焉歷上蔡令與袁起滯吏人稱之徵爲五官中郎將

宋均字叔庠南陽人少受業博士通詩禮善論難補辰陽長遷上蔡令時府下檄禁葬祭不得侈均曰送終踰制失之輕者今有不義之民尚未循化而遽罰過禮非政之先也竟不肯行後遷九江太守九江舊多虎暴均去貪殘進忠善虎遂不復爲害

汝寧府志

卷之八

官師名宦

十二

蔡攜字叔業陳留圉人蔡仲嗣封於蔡以國氏姓攜其後也順帝時以司空高第爲新蔡長攜子稜孫邕

黃真字夏甫雍丘人長垣吳祐舉孝廉將行郡中爲祖道祐越席共小吏黃真歡語移時與結交而別功曹以祐侶請黜之太守曰吳季英有知人之明卿且勿言真後亦舉孝廉除新蔡長

世傳其清節

荀淑字季和潁川人少博學有高行當世名賢皆宗師之建和三年舉賢良方正對策譏刺貴倖爲梁冀所忌出補朗陵侯相蒞事明治稱爲神君

趙儼字伯然潁川人爲朗陵長時汝南黃巾劉辟等背曹操應袁紹郡縣多應之陽安都尉李通悉錄戶調儼以書與荀彧曰今陽安百姓困苦鄰城並叛易爲傾蕩乃一方安危之機也且

汝寧府志

卷之八

官師名宦

十三

郡人執忠守節在險不二以爲國家宜垂慰撫而更急綿絹何以勸善或卽白操悉以綿絹還民上下勸善郡內遂平

巴肅高城人建和時舉孝廉與郭泰范滂齊名歷慎陽令以郡守非人辭去改具丘長

劉陶潁陰人慎陽長政化大行道不拾遺以病去官童謠歌曰悵然不樂思我劉君何時復來安此下民

周憬字君光徐川下邳人也體性敦仁天資

厚行具闔門名孚州里漢時舉孝廉拜尚書侍郎遷汝南固始相遂拜桂陽太守

毛義廬江人章帝時以行義稱於鄉里元和元年南陽張奉慕義名往候之坐定而府檄適至以義守安陽令義捧檄而入喜動顏色奉心賤之辭去後義母死徵辟皆不至奉乃歎曰賢者固不可測往日之喜乃爲親屈也帝下詔褒寵賈彪字偉節潁川定陵人少遊京師志節慷慨與同郡荀爽齊名初仕州郡舉孝廉補新息長

汝寧府志

卷之八

官師名宦

十四

小民困貧多不養子彪嚴爲其制與殺人同罪城南有盜劫人者北有婦人殺子者彪出按發而掾吏欲引南彪怒曰賊冠害人此則常理母子相殘逆天違道遂驅車北行案驗其罪城南賊聞之亦面縛自首數年間人養子者千數僉曰賈父所生男曰賈子女曰賈女彪兄弟三人並有高名而彪最優故天下稱曰賈氏三虎偉節最怒

魏滿寵字伯寧昌邑人仕魏爲汝南太守時袁紹

盛於河朔而汝南紹之本郡門生賓客布在諸縣擁兵拒守寵討平之得戶二萬兵二千人令就田業

賈逵字梁道河東人舉茂才文帝時爲豫州刺史是時天下初復州郡多不攝逵曰今長吏慢法盜賊公行州知而不糾天下復何取正乃考其二千石以下阿縱不如法者皆奏免之帝曰逵真刺史矣布告天下以豫州爲法州南與吳接逵明斥堠繕甲兵爲守戰之備外修軍旅內

汝寧府志

卷之八

官師名宦

十五

治民事過鄢汝造新陂又通陂渠二百餘里所謂賈侯渠也

田豫字國讓漁陽人魏太祖辟爲丞相軍謀掾除朗陵令文帝初遷弋陽太守尋陞汝南太守加征夷將軍所在有治聲民爲畫像立碑

王凌字彥雲太原人舉孝廉魏太祖辟爲丞相掾屬文帝踐阼出爲兖州刺史轉豫州刺史始至旌先賢之後求未顯之士各有條教意義甚美正始初爲征東將軍遷儀同三司

崔挺博陵人太和間除光州刺史時以有罪徙
邊者多逋亡遂立重制一人逋亡闔門充役挺
上書諫曰天下善人少惡人多若一人有罪延
及闔門則司馬牛受桓魋之罰柳下惠嬰盜跖
之誅豈不哀哉辭甚雅切帝納之及代老幼泣
涕追贈絹帛悉不受後卒光州吏民莫不悲感
共鑄像以祀之

晉王渾字玄冲太原晉陽人也父昶魏司空渾沉
雅有器量襲父爵京陵侯泰始初增封邑千八

汝寧府志

卷之八

官師名宦

六

百戶久之遷東中郎將督淮北諸軍事鎮許昌
數陳損益多見納用轉征虜將軍監豫州諸軍
事假節領豫州刺史渾與吳接境宣布威信前
後降附甚多吳將薛瑩魯淑衆號十萬淑向弋
陽瑩向新息時州兵並放休息衆裁一旅渾從
潛濟出其不意瑩等不虞晉師之至渾擊破之
以功封次子尚爲關內侯遷安東將軍都督揚
州諸軍事鎮壽春

鍾雅字彥胄潁川長社人好學有才志舉四